





天台山方外志卷第八

高僧考第九



台山之僧自晉迄今千有餘年何翅數千百人  
然高而不名者既潛光而弗聞名而不高者又  
寡德而不志矧不高不名何可紀極故知僧史  
之取材良難乎其人也今徧採諸書名德俱著  
者共若干人或台教之雲仍或禪宗之子弟皆  
足光表法門規模後學信無愧於山靈者矣

教



陳

僊城慧命禪師

天台僊城人參南嶽思大禪師  
聞說三觀淡悟玄旨得無礙辯  
說泐如馮將終誡門人精進淨行衆忽見阿  
彌陀佛與大士來迎卽隨佛向西升空而去

紀統

隋

國清智越禪師

南陽人出家遊方至金陵遇智  
達誦泐華至滿萬部智者晚歸台嶺付以四  
衆二十年間循循善誘德量寬曠學者歸心  
所居之處瓶水自滿自晉王造國清寺及登  
帝位山中每遣僧使奉啓致賀必以師名居  
首上虛已加敬若智者狂日無異大業十二  
年十一月二十三日告衆爲別右脇而逝風

婁雲慘地動山頽天雨  
異花一境冥晦

統紀

國清智瑛禪師

南海人張氏初投安靜寺出家  
聞智者爲世良導卽往請業行  
泐華三昧至二七日見九頭龍從地而起上  
昇虛空智者釋曰此表九道衆生聞泐華經  
將破無明入泐性空耳師尋常行道見鬼不  
懼食毒不傷大業元年煬帝巡幸揚州師自  
國清御使命至行在所引見內殿賜坐慰勞  
遣通事舍人盧正方送還山爲智者設千僧  
齋度一百人師前後八入叅觀至上每加異  
禮唐貞觀十二年無疾正坐入滅壽八十三

紀統

國清智晞禪師

潁川人陳氏年二十投智者剃  
度稟受禪訣旦夕研心不見倦  
色智者入滅受命居佛隴時衆行三昧者頗  
盛殿堂展闢制度嚴整唯香爐臺未架當香



爐峯多檉柏木師欲伐用衆疑神所擬夜夢神送疏舍木遂遣伐之寺衆法雲欲峯頂禪坐師止之曰汝道力微弱山神剛猛不宜往雲不從甫留一夕神現形驅令還初智者勸沿江居民簷梁爲放生池歷年未久復行漁捕師與章安禮智者塔焚香呪願有渙人見僧立簷意謂墮水者乘舟往救忽不見居人觀驗遂停採時羣獸衆鳥翔集屢日不止東山銅鍾忽響震山谷師曰此召我也乃香湯沐浴跌坐執如意說法良久寂然無聲衆方號泣復啓目誠之曰有生必滅寧足爲悲或問生處曰據吾夢驗在兜率宮殿青色居天西北見吾先師侍左右者皆坐寶座惟一空座吾詢所以答云却後六年頂法師當昇此座說法師嘗往阿育王寶塔禮八萬四千拜感紫文印手方整明瑩臨終告弟子曰衆聖印吾我今往生內院矣忽聞弦管之聲卽跌坐而化

**統紀**

### 國清法彥禪師

清河張氏陳大建七年侍智者

不居房舍常入定七日方起智者證之曰如汝所說是背捨觀中第二觀相山神數嬉試之恬不爲動專修禪法三十餘年常坐不臥隋大業七年二月於國清寺跌坐而化

**統紀**

### 佛隴等觀禪師

匡陽孫氏受心觀於智者居天台常誦法華貞觀九年冬餘杭

法忍寺請師講演明年正旦有王服者至稱臯亭廟神來謁師曰禪師昨過廟庭適弟子巡遊不及奉迎今故遠來專求戒法師卽索爐然香爲授菩薩大戒禮謝而退明日夜半沐浴更衣面西跌坐稱三聖尊號及智者號各百餘聲復爲惠法師說三觀法門且云此吾親承大師口說言畢而終

**統紀**

### 華頂般若禪師

高麗人開皇十六年來詣佛隴求禪法未久有所證悟智者謂



之曰汝於此有緣須閉居靜處成辨妙行華  
頂峯去此不遠是吾昔頭陀之所住彼進道  
必有深益師即遵奉明誨宴坐十六年未嘗  
下山忽一日往佛隴有三人侍行須臾不見  
次至國清告别同志居數日無疾而化龕  
出寺門開眼示別至山閉目如故 **統紀**

國清慧威禪師

獲開悟後受遺託造國清寺凡

所建立効力為多密行

佛隴慧辯禪師

不知開演觀道默識無遺如水傳瓶

一滴不滿後於佛隴會別大衆架木成樓奉  
火焚軀用報佛德煙籠林木舍利交疑 **統紀**

佛隴慧燄禪師

不知一坐旬日率以為常所居

三寶神光  
夜照 **統紀**

佛隴慧普禪師

不知何許人早親智者聞溪禪

白象放光契身  
忽然悟入 **統紀**

國清智寂禪師

不知何許人雖無事蹟可尋亦

傳章安所撰者蓋用師本  
稍加增益遂行於世 **統紀**

國清道修禪師

無傳

國清師諫禪師

無傳

國清如朗禪師

無傳

佛隴慧綽禪師

別傳云大師時居佛隴年既失  
檢共綽種莖拾橡安貧無戚

唐



佛隴大志禪師

會稽顧氏子受業出家師事天台智者曾見其形神洒落高

放物表取名大志謂法華經索然閑靜音聲

清轉聽者忘疲後於廬山甘露寺行頭陀行

有時投身猛獸彼皆違去食粒若盡惟以飽

果繼命而已如是七載禪誦不休晚任持福

林寺會大業中屏除佛教慨大法陵遲遂身

著孝衣於佛堂中慟哭三日誓捨形骸申囑

正教即往東都上表曰願陛下興隆三寶貧

道當然一臂於嶺岳周報國恩帝許之遂設

大齋七旬通集僧絕糧三日登大柳中布裹

其臂灌之以藥如炬然之光爨巖岫晃然大

斷衆見苦行痛入心髓而志形色不變或誦

經文或讚佛德或爲衆說法聲聲不絕虜已

下棚脚跌入定七日而卒

神僧傳

佛隴法智禪師

具蓮宗考

佛隴智通法師

具蓮宗考

佛隴明曠禪師

天台人依章安稟教觀廣化四衆專誦法華章安撰八教大意

師著於三童寺錄受平時著述甚多今所存心經跡耳

統紀

義興善伏禪師

具蓮宗考

焦山神邕禪師

字道恭晉太尉蔡謨之後世居越之諸暨在襁褓中聞唱經聲

即疑神靜聽年十三入道開元二十六年奉

勳得度既而依左溪學止觀法華玄義五夏

敷演聽者服悅天保中遊長安公卿問道結

轍而至安史反乳振錫東歸道出襄漢有著

作郎帝子春學瞻氣剛與之酬酢子春墮負

滿座驚服中書舍人范威歎曰師可謂塵外

摩尼論中師子大歷初中岳道士吳筠造論毀佛觀察使陳少遊請決之師約吳筠而論



邪正旗數纒臨笏已敗北遂著翻邪論三卷以收餘黨却居左溪日嘗著天台山記全本云今赤城志并天台縣志等書指神邑山記者特少小耳

### 佛隴大義禪師

蕭山徐氏子七歲授經傳日誦數千言年十二入道于山陰靈

隱寺中宗登位單恩度人試誦法華中選第一開元中因表觀入佛隴閱大藏以益冥報遂謁左溪稟受止觀大悟玄旨常誦法華涅槃大小戒本以為正業臨終之日衆聞弦管之聲議者謂天帝迎請誦經之相

### 國清清觀尊者

臨海人也姓屈氏初誕彌手足指間有幕蹠相著佛經所謂網

縵相也迨為童儒神俊挺然乃有出塵之志遂詣國清寺投元璋律師執侍餅鉢年十八納形俱法良由善根深植悟解天然台嶺教文洞明三觀兼得深定神異通感皆莫我

少覽百家爛通三教仍善屬文長於詩筆凡其邦伯輜軒皆響風造謁觀則持重若嚴君見則畏伏祗就几杖以待貴士或施財寶皆迴入常住罄無私蓄或曰貴人所施皆充別施何不已用耶對曰恨未能捨頭目况世財乎

神曾傳

### 佛隴智度禪師

無傳

### 佛隴良濟禪師

師至行無傳

### 佛隴敬文法師

師至行無傳

### 佛隴光韶法師

師至行無傳

### 佛隴維錫法師

師至行無傳

### 佛隴道暹法師

天台人著述能於虛空遊行往來時謂



有神足之證

國清文舉法師

婺州東陽張氏貞元三年勅度得戒晝夜翹勤遂登講訓次通

法華經疏義得智者之膏腴舉身量六尺餘其形如山其貌如玉靜若止水動如浮雲目不迴視口無戲言四威儀中無非律範與佛窟二衆仰為繩準其奔走他方聽受者與佛窟則公禪道並驅而相高也尋勅為國清寺大德先是智者大師答隋煬帝問立七日金光明道場每年九月還邇征鎮侯伯差人送供事既無礙黑白二衆無遠不屆人纔填委飲食闕焉典座僧患之大和中主事僧清蘊咨謀於舉置寺莊田十二頃自此光明會不聞告乏舉之功歟以會昌二年五月化去門人幼清立塔于寺之西峯春秋八十三僧夏五十五韓又為碑頌德也神僧傳

佛隴敬休法師

師正定無傳

佛隴慧凝法師

師正定無傳

佛隴處原法師

師慧凝無傳

佛隴玄廣法師

無傳

慧光宗昱法師

師淨光居國清

勝光瑞先法師

師昱師居天台

五代

崇泐願齊泐師

錢塘人吳越國時賜號崇泐初傳淨光之道精研止觀後參韶

國師發明玄奧周顯德初螺溪居民張彥安詣淨光曰家居東南里所陰晦之夕必有鬼



神吟嘯敲擊鐘鼓之聲又嘗夢龍遊其地非愚民所居願以奉師師往視之見山水秀異謂衆曰此伽藍地也夢龍遊者豈龍樹之道將與于此地耶因納之願齊初爲法華紹巖弟子聞其事以白師輟衆施三萬爲建法堂厨屋覆苦累塊悉尚素朴蓋稟師之戒也既成淨光與學徒俱往既而雲居韶國師爲疏于漢南王忠懿王子卽施財架懺堂諸屋以廣之見錢儼撰傳教碑及傳燈

### 高麗諦觀法師

高麗國入初吳越王召淨光法師講經因及台教派散海東之事於是王遣使致書以五十種寶往高麗求之其國令諦觀來奉教乘而智論疏萃嚴骨日五百門等禁不令傳且戒觀師於中國求師問難苦不能答則奪教文以回觀師既至聞螺溪善講授卽往叅謁一見心服遂禮爲師嘗以所製四教儀藏於篋人無知者師居

## 宋

螺溪十年一日坐亡後人見故篋放光開視之唯此書而已由是盛傳諸方大爲初學發蒙之助云

### 通鑑知蕪法師

賜號通鑑久學螺溪以其師崇建殿宇將永歲寒之績爲請彭越公錢儼忠懿王弟作傳教院碑於螺溪時太宗煨寧三年也

### 常寧契能法師

永嘉人神悟謙公之師得教旨於昱法師主天台常寧講道不倦倦自智者而來以鑪拂傳授爲信至師嫡承爲十四代晚年以授扶宗忠師扶宗曰吾得法廣智矣敢辭師乃藏之天台道場遂不復傳

### 天竺慈雲大師

師諱遵式字知白寧海葉氏初依東山義全出家年二十往禪



林受具戒繼入國清晉賢像前燼一指誓傳  
 天台之道雍熙元年從學寶雲道中夢老僧  
 謂曰吾文殊和上也及見寶雲正所夢僧即  
 北面受業寶雲滅後乃反天台以苦學感疾  
 至於嘔血教然入大慈佛室用消伏呪法自  
 咀曰若四教興行在我則其疾有廖不爾則  
 畢命于此至三十七日聞空中呼曰遵式不久  
 將歿師益不懈五七日見灰屍盈室踐之而  
 行其屍即沒滿七七日空中聲曰十方諸佛  
 增汝福壽其夕寐見一巨人持金剛杵以擬  
 其口又嘗親見觀音垂手於師口引出數蟲  
 復舒指注甘露於口身心清涼宿疾頓愈頂  
 高寸餘手長過膝聲若洪鐘肌如白雪初任  
 寶雲次歸天台所任東掖有白鶴廟居民甚  
 神之師與授戒改祭為齋神與民皆聽命乃  
 為著野廟誌以誠之師嘗夢居母胎十二年  
 及受請任杭之昭慶果應其數刺史薛頰復  
 以靈山命師居之將終作謝三緣詩謂謝徒

厲絕賓友焚筆硯也或扣其歸對以寂光淨  
 士至夜奄然坐逝師善屬詩江州太守許端  
 夫序其詩曰慈雲之詩文貫於道言切於理  
 酷似陶彭澤昔貫休作禪月集初不聞道而  
 才情俊逸有失輔教之義中庸子作問居編  
 言雖鳴道而文句闕冗有失詩人之體慈雲  
 則不然文既清麗理亦昭顯雅正簡淡有晉  
 宋之風蓋其道業宏大故詩之名不行也  
 也問

### 法真處咸法師

天台王氏子母夢白雲自天西  
 來入室內化為白馬因而有娠

七歲入國清出家十四受具即自歎曰佛法  
 廣大若不力學何能見道乃入天封閱藏經  
 三年而畢及往神照溪悟教旨恭默自遜人  
 莫能測初任赤城崇善姑蘇季庭芝將守台  
 夢神人曰公天台五祖臺下有龍頭九九和  
 尚互就見之至郡諮詢莫知其說閩士陳白



曰天台五祖居赤城今咸師任此生於丙辰九月九日其龍頭九九之謂乎庭芝大愕即往謁見為深談出世道芝有契會以寺宇隘陋謀遷之庭芝嘗捐金帛乃十就東南地開基之日獲銅磬于土中少師李公尤尊敬請主白蓮奏賜法真之號居山五十年登門受道萬數元祐元年正月法鼓擊之不鳴者七日不至七月告衆曰二十三日吾將行矣遂唱衣盂飯衆為別戒侍者晨鐘鳴當告吾至時徐起跌坐寂然而化

靈鷲有嚴法師

具蓮宗考

佛隴寶織法師

無傳師嗣神煥

佛隴擇卿法師

天台人天資聰敏博學強記受學于上竺慈辯嘗曰四明之意吾已得之唯起教觀信之未及然不敢不信也生平未嘗屈即豪貴聚徒三百施者自來

平時喜茶臨終之頃謂門人曰晨鐘即來報至時啜茶一甌書偈而化

佛隴泐麟法師

佛隴應通法師

二師皆嗣有嚴法師

佛隴淨侁法師

師嗣白蓮卿法師

崇善中益法師

早親智涌法師深境觀富辯說人以是驚服焉主赤城崇善法席講貫之餘即入禪懺旦夜以繼

螺溪元悟法師

居螺溪嗣蒙泉源法師

無相善勤法師

天台人無相以主席請于郡時以師高行為之舉以衆不足容別遷勝地增建棟宇時謂安清淨衆講妙教觀宜天人之交助也



左溪志昭汰師

居左溪述釋迦語稱躬稟叔父  
鎧菴微旨及編次歷代宗承圖

後學於  
是有考

傳燈議曰台教正統智者而下訖螺溪凡十  
二世皆弘道茲山自寶雲傳教四明汰智中  
興之後是道廣被海內而四明三吳猶為繁  
衍台山者始漸復微亦猶佛教盛傳震旦而  
西域是後終晦而不明然宋末至大元訖皇  
明永樂間而台教弘汰不絕者猶有一綫之  
可繼至弘正後則此道絕聞豈惟茲山即海  
內之學佛者言台教則莫知維何豈白雪陽  
春唱高和寡耶抑人情澆漓而好為異端耶  
佛言汰將滅時而般舟三昧經先滅以是經  
三昧難信難行故也以此而推  
則台教之不隆於末世也宜矣

天台居昱法師

錢塘人郭姓七歲扣疑於林通  
書如夙諷川角禮僧願隆誦法

華經七日而周夏竦表為沙彌天聖四年卒  
後二年啟棺貌如生昱善為詩有松聲和雨  
聽山色帶  
雲看之句

永慶知白法師

居永慶院 侍郎簡記行業云  
天台僧獨知白為可紀東掖慈

雲大師字知白且與同  
時豈即是耶今姑存之

天台元奘法師

錢塘人唐姓字湛和號安忍子  
明教律四方宗之少遊天台

度石橋合掌誦經想方廣而度者三復達宴  
坐峯誦經失足幾隕如人扶之而免與燕之  
奇楊傑諸人為方外  
交劉燾作行業記

明妙峯真覺法師

蘇之崑山人俗姓王氏居徑  
山傳衣菴初出月亭法師之

門亭無專宗與師志別由是深究性具之旨  
而遙宗四明猶北齊之悟明中論以龍樹為



師入門有自世人無足以派別議之也師梵  
指奇古言論圓采如大火輪聚不可攪觸真  
東南無畏光明幢也自嘉靖甲子歲以道化  
台南至巳丑二十六年間歲無虛席而台人  
之佛性種子種而與熟熟而與脫者師之功  
居多宜其祀位壇堂為百世之宗師焉所著  
述有淨土夢觀記有門頌解法華披荆鉞楞  
嚴百問書如千卷法華玄義玄義記法華文  
句文句記摩訶止觀止觀記共百餘卷各度  
函部師皆會集成帙以圖剖剴獨灑華玄記  
得遂厥志耳師常修隨自意三昧每遇病境  
止觀之功逾勵臨終作三自省喚醒主人翁  
則正念如城不可動亂也三自省一曰唯某  
甲一念三千刹那九世汝知之乎即促而延  
既如此即一而多又如彼胡不體取無生了  
無死乎二曰唯某甲實心繫實境實緣次第  
生實實迭相注自然見實理此吾宗之心訣  
也汝知之乎平日解行正在今日懸崖撒手

甚弗放逸三曰唯某甲汝不聞僊潭垂終偈  
乎自是無家可得歸雲邊有路許誰知溪光  
搖落西山月正是僊潭夢斷時即僊潭夢斷  
是妙峯夢斷無歸而歸汝宜無忘夙願也具  
見馮太史  
所撰塔銘

### 象先真清法師

長沙湘潭羅氏子年十五補邑

染二十五從寶珠禮補陀續遊天台愛茲山  
幽曠多聖賢居止遂剪茨以居是後雖往來  
吳會而無時不夢寐名山蓋師夙稟台教仰  
智者之風巖棲谷飲固其志也始居華頂之  
深雲菴繼閱大藏於萬年寺修大彌陀懺於  
天柱峯率以十日為期其他受請不與焉師  
為人英卓溫厚雖親禪觀尤重毘尼而虛已  
從人則無德不師無善不采故為四方之所  
推重講席頻開學徒雲集誠叔世之津梁也  
示滅於嘉禾之龍淵寺弟子如惺塔師于天



幽溪詩堂  
天台石室  
台雲居之南隴袁職方  
有塔銘言行狀甚詳

# 禪宗

唐

## 佛窟巖遺則禪師

京兆人長孫氏初謁牛頭山  
忠禪師大悟玄旨乃曰天地

無物也我無物也雖無物而未嘗無物也此  
則聖人如影百姓如夢孰為歿生哉至人以  
是能獨愛能為萬物主吾知之矣遂南遊天  
台隱於瀑布之西嶺元和中慕道者日至有  
弟子可素遂築室廬漸成法席佛窟之稱自  
師始也僧問如何是那羅延箭師曰中約也  
忽一日告門人曰汝其勉之閱二日踟躕而  
寂後三年塔全身於本山唐韓又有碑銘存  
國清寺

## 雲居智禪師

居雲居僧問見性成佛其義云何  
師曰清淨之性本來湛然無有動



此原編也



搖不屬有無淨穢長短取捨體自翛然如是  
明見乃名見性性即佛佛即性故曰見性成  
佛此是極究竟處若云我能了彼不能了是  
大病作無凡聖解又屬撥無因果見有清淨  
性可棲止解亦大病然清淨性中雖無動搖  
具不壞方便應用及興慈運悲如是興運之  
處即全清淨之性可謂見性成佛者矣

### 馮山靈祐禪師

長州福田趙氏年十五出家遊

往松門夾道作虎吼三聲馮無對寒曰自從  
靈山一別迄至于今還相記麼馮又無對拾  
拈杖曰老兄喚這箇作什麼馮又無對寒曰  
休休不用問他自從別後已三生作國王來  
總忘却也後參百丈懷海禪師悟道仍受百丈囑任馮山

### 平田普岸禪師

釋普岸姓蔡氏漢東人也得法於百丈懷海禪師大和年中謂

衆曰吾山水之遊未戢諸人勿相留滯天台  
赤城道猷會止華頂百梁智者降魔將遊之  
也自襄陽邂逅而來從沃洲天姥入天台之  
西門得平川谷中峯名大舍號曰平田結茅  
居之未幾見墟虎乳子瞪目而視岸岸以杖  
按其頭曰貧道聞此山是神僊窟宅羅漢隱  
居今欲寄此安禪檀越勿相驚撓經宿領子  
而去以大和七年營構丈室八年春禪侶輻  
湊衆力義成此院號平田焉會昌三年七月  
告衆入滅春秋七十四度弟子全亮俗姓陳  
氏悟師之道得鳳之毛一人唯約在上元入  
滅肉身不朽岸遷塔于是山之前隨濟訪師  
到路口先逢一嫂在出使牛濟問嫂平田向  
甚麼去師打牛一棒曰這畜生到處走路也  
不識濟又曰問你平田路向甚麼處去嫂曰  
這畜生五歲尚使不得濟心語曰欲觀前人  
先觀所使便有抽釘拔楔之意及見師師問  
你會見我嫂也未濟曰已收下了也

神僧傳



國清一行禪師

釋一行俗姓張氏鉅鹿人也早歲不羣聰黠明利有老成之風

讀書不再師事普寂禪師因窮人術求訪師資至國清開僧於院中布筭其聲蕪蕪既而謂其徒曰今日當有弟子求吾筭法已合到門豈無人導逢耶即除一筭又謂曰門前水西流弟子當至一行承言而入稽首請法盡授其術玄宗詔對無恒占其灾福若指于掌邢和璞嘗謂尹愔曰一行其聖人乎漢之洛下閎造大衍曆云後八百歲當差一日則有聖人定之今年期畢矣而一行造大衍曆正其差謬則洛下閎之言信矣帝嘗問國祚幾何有留難否行曰變輿有萬里之行社稷終古帝驚問其故不荅退以小金合進之曰至萬里即開帝一日發合視之蓋當歸少許及祿山亂駕幸成都至萬里橋忽悟未幾果歸昭宗初封吉王唐至昭宗而滅故識終吉滅時春秋四十有五帝哭之哀甚輟朝三日停

龕三七日容貌如生帝親製袵書于石山內庫錢五十萬建塔銅人原諡曰大慧禪師僧傳

瑞龍慧恭禪師

釋慧恭俗姓羅氏福州人也年十七舉進士名隨計車將到京

闕因遊終南山奉日寺日祖師遺像釋然世網遂來出家嘗遇黑蛇傷指不來醫而毒蝮自銷見魁魅占山論罪福而妖物遁息至武陵德山請宣鑒禪師領會風飛山茲道合景福三年與門人遊天台於紫凝山祈恭與揚法而止杜因創瑞龍院於紫凝山祈恭與揚法席以悟淪迷緇俗雲馳香華山積天復三年癸亥十二月午時命衆聲鐘額瞻左右言去踟躕日儼然而化門人塔于本山高僧傳

天台玄杲禪師

杲為嘉禾靈光寺法相禪師之弟子啓為杲公之弟子二人偕



天台鴻啓禪師

隱天台習禪觀相次終于山焚

華頂景欣禪師

受業白雲院嗣法於六通紹禪師人稱欣四面後入天台華頂

莫知所終

雲峯光緒至德禪師

師得法於玄沙上堂曰但以衆生日用而不知譬如

三千大千世界日月星辰江河淮濟一切含靈從一毛孔入一毛孔毛孔不小世界不大其中衆生不覺不知若要易會上座日用亦復不知時有僧問曰裡僧狀像夜裡像狀僧未審此意何如師曰閣黎豈不是從茶堂裡來

五代

國清師靜上座

師始遇玄沙示衆曰汝諸人但能一生如喪考妣吾保汝得究

徹者師躡前語問曰祇如教中道不得以所知心測度如來無上知見又作麼生沙曰汝道究得徹所知心還測度得及否師從此信入後居天台三十餘載不下山博綜三學操行孤立禪寂之餘嘗閱龍藏遐邇欽重時謂大靜上座師因覩教中幻義乃述一偈問諸學流曰若道法皆如幻有造諸過惡應無咎云何所作業不忘而藉佛興慈接誘時有小靜上座答曰幻人與幻幻輪園幻業能招幻所治不了幻生諸幻苦覺知如幻幻無爲二靜上座晉終於本山

般若寺敬遵通慧禪師

居護國寺僧問優曇花

一言師曰不因上座問何會舉似人曰恁麼則般若維峯詎齊今古師曰也莫錯會師自述真讚曰真兮寥廓郢人圖縹嶽聳雲空澄潭月躍



明巖全宰禪師

姓沈氏錢塘人孩抱之間不喜

汰濟大師削染及修禪觀亭亭高竦不雜風塵慕十二頭陀以飾其行諺曰宰道者焉迨乎諸方參請得石霜禪師印證密加保任入天台山闍巖以永其志伊巖與寒山子所隱對峙皆癩魅木怪所叢萃其間宰之居也二十餘年惡鳥革青山精讓窟其出入經行鬼神執役或掃其路或侍其旁或代汲泉或供採果時時人見宰未嘗言後天成五年徑山禪侶往迎歸鎮國院居終于出家本院焉

永明延壽智覺禪師

餘杭王氏子初禮翠巖參禪師暨謁韶國師一見而

淡噐之密授玄旨仍謂曰汝與元帥有緣他日大興佛事忠懿王請開山靈隱新寺明年遷永明大道場衆盈二千僧問教中道一切諸佛及諸佛法皆從此出如何是此經師曰

長時轉不轉非義亦非聲曰如何受持師曰若欲受持者應須著眼聽師居永明十五載度弟子一千七百人開寶七年入天台山度戒約萬餘人常與七衆授菩薩戒夜施鬼食朝放諸生類不可稱計六時散行道餘力念法華經計一萬三千著宗鏡錄一百卷詩偈賦詠凡千萬言開寶八年二月示疾越二日焚香告衆踰跌而寂塔于大慈山師嘗有偈云渴飲半杯水饑食一口松甯中無一事長日對華峯天台固師之家也

國清本先禪師

姓鄭永嘉人出家國清寺參詔

祥符中示寂長吏以聞詔本縣檢視得所著竹林集十卷藏祕閣

福田從禮禪師

釋從禮襄陽人也以梁乾化中

推為寺之上座持重安祥喜慍不形于色時夏危陽王事僧來告將營羅漢齋奈何園蔬



枯悴請閣黎為祈禱禮曰但焚香於真君堂  
時主亭向饒祠祝曰上座要雨以滋枯悴至  
夜雲起雨霏三日而止又僧厨闕用水槽山  
上有赤樹中為材用來白於禮禮曰某向真  
君道去但庀徒具器以伺之無何大風卒起  
曳什其樹取用周足其感動鬼神率多此類  
兩浙武肅王錢氏聞之召入州府建金光明  
道場檀施優渥廻施眾僧身唯一布納通夜  
不寐一食常坐具無盈長同光三年乙酉歲  
冬十一月入滅春秋七十九僧臘五十二火  
葬收舍利  
立塔存焉

### 紫凝山普門智勤禪師

僧問如何是空手把鋤  
頭師曰但恁麼諦信曰  
如何是步行騎水牛師曰汝自何來有偈示  
衆曰今年五十五脚未蹋寸土山河是眼睛  
大海是我肚太平興國四年有古詩僧經業  
山門老宿各寫泐名唯師不開書札時通判

### 宋

### 般若寺友蟾禪師

李憲問世尊還解書也無師曰天下人知淳  
化初不疾命侍僧開浴訖垂誠徒眾安坐而  
逝塔于本山三年後門人遷塔發龕觀  
師容儀儼若髭髮仍長遂入新塔

### 般若寺師蘊禪師

錢塘人也初任雲居普賢忠  
懿王署慈悟禪師遷止上寺  
衆盈五百僧問鼓聲纔罷大衆雲臻向上宗  
乘請師舉唱師曰虧汝甚麼曰恁麼則人人  
盡沾恩去也  
師曰莫亂道

金華人也梁龍德中與德韶  
禪師結侶遐征廻于浙東還

棲息韶師法會其為人也稠人廣衆往往滑  
稽有好戲矇者則狎之膠漆如也故高逵之  
者置之於度外唯韶師然而識之謂人曰蘊  
公癡狂吾不測其邊際因有疾求僧作懺悔



文誦經及窈窕各論幾百藏為度方知其密  
 持之不懈嘗謂道友曰吾生無益於人欲投  
 宴坐峯不然石梁下所願早預賢聖之儔道  
 友多沮其計以開寶六年七月身無敬側竅無  
 入禪定時炎蒸停屍二七日身無敬側竅無  
 氣穢及遷神座就寺之東隅閣維煨燼中收  
 舍利外舌根不壞灰寒拾之如紅芙蓉色柔  
 輒可憐有不信者燒鍛凡數十過居然蓮花  
 色也遂結小塔于寺中蘊生不言姓  
 氏年齒人以貌取之則年八十餘矣

### 佛日本空禪師

師初遊天台嘗曰如有奪得機  
 者即吾師矣尋謁雲居作禮問

曰二龍爭珠誰是得者居曰卸却業身來與  
 子相見師曰業身已卸居曰珠在甚麼處師  
 無對遂投誠入室時年始十三後四年參夾  
 山繞入門見維那那曰此問不著後生師曰  
 某甲不求掛搭暫來禮謁和尚維那白夾山  
 山許相見問甚處來師曰雲居來曰即今在

甚麼處師曰杜夾山頂嶺上山曰老僧行年  
 在坎五鬼臨身山問閣黎與甚麼人同行師  
 曰木上座山曰何不來看老僧山曰和尚看  
 他分山曰在甚麼處師曰在堂中山曰從  
 師下堂中師曰非五嶽之所生山曰莫從酒  
 天台得否師曰月宮亦不逢山曰怎麼則從人  
 彌得否師曰自已尚是冤家從人得堪作甚麼  
 得也師曰自已尚是冤家從人得堪作甚麼  
 山曰冷灰裡有豆爆來日上堂問昨日新到  
 在甚麼處師曰出應諾山曰子未到雲居已前  
 在甚麼處師曰天台國清寺山曰吾聞天台  
 有潺潺之瀑綠綠之波謝子遠來此意如何  
 師曰久居巖谷不掛松蘿山曰此猶是春意  
 秋意作麼生師良久山曰看君極是撐船漢  
 終歸不是弄潮人山後請與師問荅機路  
 迅捷山乃曰大眾有人也歸去來歸去來遂  
 住曾請歸院眾皆仰嘆  
 師終于佛日卯塔存焉



般若寺從進禪師

僧問古澗寒泉時如何師曰切忌飲著曰飲著又如何師曰

曰喪却汝性命

福唐幼璋禪師

唐相國夏侯孜之猶子也太平初伯父司空出鎮廣陵師方七

歲遊慧照寺聞誦法華志求出家伯父初不允師因絕飲食不得已而許之師慧遠禪師至江陵騰騰和尚囑之曰汝居天台尋靜而棲遇安而止而又值憨憨和尚撫而記曰汝却後四十年有巾子山下菩薩王於江南當此時吾道昌矣即抵天台於靜安鄉創福田院乃契騰騰之言今慧峯是也中和四年人歿於饑師聚骸以葬錢武肅王嘗夢一僧形觀甚偉寤求不獲後圖形至此處乃師也致請入府庭署至德大師館於功臣堂自親問法師請每年於天台山建金光明道場諸郡黑白大會逾月而散天成二年卒

真歇清了禪師

師得法於長蘆祖獎禪師曾在

墮虛疑霧鎖寒林肯彰風嬰鈞針隱密就云溪父樓巢秋廢承當自是平常快活還有見透關眼麼良久曰直饒問早便歸去爭似從來不出門

明智遇安禪師

姓沈錢塘人出家天台山華頂

吳越王召居天龍寺太平興國三年有寶塔見資福殿虛空中賜號明智禪師

天封子歸禪師

主天封寺上堂卓拄杖一下召

開了也見得麼金鳳夜棲無影樹峯巒纒露海雲遮

護國守昌禪師

新歲上堂拈拄杖卓曰三十六

邦迎和氣之時東帝布生成之今直得天垂瑞彩地擁禳祥微微細雨洗寒空淡淡春光



籠野色可謂應時納祐慶無不宜盡大地人皆添一歲且道那一人年紀多少良久曰千歲老兒顏似玉萬年童子髮如絲

### 蓮華峯祥庵主

僧問如何是雪嶺泥牛吼師曰聽曰如何是雲門木馬嘶師曰響示寂日拈拄杖示衆曰古人到這裡爲甚麼不肯住衆無對師乃曰爲他途路不得力復曰畢竟如何以杖橫肩曰柳標橫擔不顧人直入千峯萬峯去言畢而逝

### 崇善用良禪師

僧問三門與自己是同是別師曰八兩移來作半斤曰怎麼則秋水泛渙舟去也師曰東家熨燈西家爲甚麼却覓油曰山高月上遲師曰道恁麼曰莫瞌睡師曰以水見長人

### 寶相蘊觀禪師

僧問如何是佛師曰堂堂八尺餘

### 天台文輦禪師

永嘉人也遇天台山德詔禪翁不爲異緣牽轉故三十載隨詔禪師聽其進否嘗謂人曰悟入之緣猶蠖屈之於葉也食黃則身黃食蒼則身蒼其屈伸之狀無變吾初見明照乃若是今學玄沙又如是在此所謂殊塗而同歸以太平興國三年忽自操斧伐檀巧結玲瓏號曰浮圖入內趺坐自持火爐誓之曰以此殘喘焚之供養十方諸佛聖賢言訖發焰亘空其煙五色旋轉氤氳猶聞誦經之聲須臾始絕觀者號哭灰寒收舍利不知顆數春秋八十四今善建寺中累石小塔是其瘞舍利處也

### 太平元坦禪師

上堂是法無宗隨緣建立聲色動靜不礙見聞舉用千差如鐘待扣於此薦得且隨時著衣喫飯若德山臨濟要須打草鞋行脚參舍利塔於寺左邊今重修



妙智光雲禪師僧問如何是祖師西來意師曰冬籬黃菊日意旨如何曰九日

重陽

大同如庵主師天台人久依法真因看雲門東山水上行語發明已見歸隱故山

猿鹿為伍郡守聞其風遣使逼令住持師作偈曰三十年來住此山郡符何事到林間休

將瑣瑣塵寰事換我一生閑又閑遂焚其廬竟不知所止後終于大同寺其塔尚存

萬年處幽禪師上堂先聖行不到處凡流却到凡流既到先聖莫知到與不到

知與不知總置一壁祇如僧問乾峯十方薄伽梵一路涅槃門未審路頭在甚麼處峯以

拄杖畫一畫曰在這裡且道此老與他先聖凡流相去幾何南山虎巖石羊兒頭向其中心識生

灰

護國明照禪師景祐中居護國寺因採菜入山見二女於桃源如劉阮故事照

即叱曰山鬼伎倆復欲媚道人耶言已即隱師雖無行狀可考即此而觀亦禪門之正法

也

國清愚谷妙印禪師上堂滿口道得底為甚麼不知有十分知有底為甚麼

麼滿口道不得且道諺訛在甚麼處若知得許你與用同時明暗俱了其或未然道得道

不得知有不知有南山石大蟲解作師子吼

國清垂慈普紹禪師上堂靈雲悟桃花玄沙傍不肯多少癡禪和擔雪去

填井今春花又開此意誰能領端的少人知花落春風靜

寶相元禪師僧問一切諸佛及諸佛阿耨多羅三藐三菩提皆從此經出如何是



此經師曰長時誦不停非義亦非聲曰如  
何受持師曰若欲受持者應須用眼聽

**萬年雪巢汰一禪師** 太師襄陽郡王李公遵勉  
之玄孫也得汰於草堂疎

山四遷巨刹後退長蘆歸天台萬年觀音院  
忽示微疾書偈曰今年七十五歸作庵中主  
珎重觀世音泥蛇吞  
石虎入龕跌坐而逝

**華頂汰具禪師** 字圓復紹興中居華頂峯葉夢  
得蘇庠韓駒呂本中王銍宋敦

儒皆與之唱酬  
有化庵集行世

**萬年心聞曇賁禪師** 永嘉人曾任江心龍翔寺  
病起上堂曰維摩病說盡

道理龍翔病咳嗽不已咳嗽不已說盡道理  
說盡道理咳嗽不已汝等諸人還得其中意  
旨也未本是長江湊風冷却教露柱恁頭風  
後任萬年上堂一見傻見八角磨盤空裡轉

一得永得辰錦硃砂如墨黑秋風吹渭水已  
落雲門三句裡落葉滿長安而今被眼瞞緊

拂子曰瞞得瞞不得總在萬年手裡還見麼  
華頂月籠招手石斷橋水落捨身巖四明太

守以雪竇命師主之師辭以偈曰開藍方喜  
得抽頭退鼓而今打未休莫把乳峯千丈雪

重來換我一雙眸

**護國惠遠禪師** 眉山人問法圓悟勤禪師豁然  
有悟紹興中過天台護國國清

等寺乾道中賜號佛海禪師周  
承相必大銘其塔虞似良書

**護國此庵景元禪師** 永嘉南溪張氏子謁圓悟  
於鐘阜圓悟目為聾頭元

侍者遂自題肖像付之曰生平只說聾頭禪  
撞着聾頭如鐵壁脫却羅籠截脚跟大地撮  
來墨漆黑脫年轉復沒刀刀奮金剛摧碎窠  
窟他時要識圓悟面一為渠儂併拈出圓悟



歸蜀師還浙東鎗彩埋光不求聞達括蒼守  
 耿公延禧嘗問道於圓悟因閱其語錄至題  
 育像得師為人乃致開法於南明山遣使物  
 色至台之報恩獲於眾寮迫其受命後歸老  
 護國寺將寂時示訓如常俄握拳而逝茶毗  
 得五色舍利齒舌右拳無少損塔于寺東劉  
 阮洞前

**國清蘭堂行機禪師**

本郡人姓楊氏見此庵密

種單丁者一十七年嘗有偈云地爐無火客  
 囊空雪似楊花落歲窮拾得斷麻穿壞衲不  
 知身在寂寥中每謂人曰猶未穩在豈以住  
 山樂吾事耶一日偶斫樹倒忽然大悟先住  
 江州圓通後任國清示眾曰觀色即空成大  
 智故不住生火觀空即色成大悲故不證涅  
 槃生滅不住涅槃不證漢地不收秦地不啻  
 已道在恁麼處安身立命莫是昭昭於心目

之間而相不可觀是是於色塵之內而理不  
 可分麼莫是起坐鎮相隨語默同居止麼總  
 是觸體前敲磕須知過量人自有過量用且  
 作麼生是過量用此斗歲身雖有語出羣消  
 息少人知

**天封覺禪師**

上堂無生國裡未是安居萬仞峯

頭豈容駐足且望空撒手直下翻  
 身一句作麼生道人逢好事  
 精神爽火入真金色轉鮮

**萬年無着道閑禪師**

本郡洪氏子上堂全機敵

勝猶在半途啐啄同時白  
 雲萬里纔生朕兆已落二三不露鋒鋌成何  
 道理且道從上來事合作麼生誣人之罪以

罪加之

**萬年自詢禪師**

號國道者傳法於了空大寂嘗  
 燃臂供佛雍熈初勅建受業寺



遂燃身報國火滅舌根不壞  
詔改寺為壽昌今萬年是也

### 國清蘊常禪師

字不輕通內外典作詩清麗字  
法堅勁淳煨間住國清號荷屋

老人有集  
行于世

### 國清志南禪師

字明老號指堂會稽人朱文公  
晦庵韓尚書原吉皆與之遊文

公有與南老索寒山子詩啟終國清寺有指  
南集善書天台佛隴萬松徑諸石刻皆其

蹟手

### 元華頂先觀禪師

字無見葉姓僊居人住華頂  
峯四十年操行卓絕聞其風

者不遠數千里參問元統甲戌五月望日遺  
書謝朋舊作偈跌坐示滅翊日焚化舍利凝  
積成五采白乳如注曇噩撰塔銘有  
語錄行于世金華黃縉宋濂為之序

### 華頂光菩薩

鄞人先世習雕塑至光藝益精光  
好道遍參有道尊宿聞華頂無見

和尚道行清峻挾胷中所疑扣之  
年七十有三無疾坐脫於華頂山

### 明國清曇噩禪師

號夢堂王姓慈谿人洪武二  
年以高僧召至說濼尋被詔

任持國清寺賜號佛真文懿大師六年六月  
忽沐浴作偈曰塊然一物或有或無翻身歸  
去踏破毘盧端坐而寂塔於善興寺西畧宋  
景濂銘其塔能詩文有所集高僧傳行于世

### 國清心泰禪師

越人字岱宗幼習洙泗之業長  
為釋氏學嘗師事夢堂噩禪師

於台之國清寺而為其掌箋翰焉其學瞻而  
識達氣充而守約其發為文章雄渾淵雅惟  
務以弘宗樹教為本不以誇多鬪靡為尚嘗  
出世說法郡之東山禪寺而從之學者益衆  
所著述有佛濼金湯編始于周昭王訖于元  
順共若干人皆名著青史從事宗教足為法



門之  
重者

### 華頂宗濟禪師

字北源姓李氏臨海人少朴而敏尤長於義理師事明州護聖

迪元啟禪師歸華頂二十七年足不越闕重建殿屋後歸深雲庵年七十示滅又窄菴備

禪師愚傑英禪師寂菴光禪師空叟聞禪師皆國朝高僧俱住華頂

### 萬年馬公禪師

青州馬郎中子弘治間入萬年山修行一日跌坐龕中令左右

舉至寺前雙塔下忽心中火發須臾而盡火至半身猶作偈遺其徒今其舍利在寺西及其先世誥

勅具存云

### 率頂正方禪師

朱姓臨海黃奢村人號百川師真際和尚但以苦行為本靜練

之極毫光如雪嘉靖己未入率頂作偈以表心要遂泊然坐化

### 荆山圓珂禪師

金陵人居毘陵之金沙寺師事玉芝禪師往來開講台溫者十

餘年師為人寬厚不與物校雖冥心禪觀而猶以淨土為專門道俗化之善屬詩堂講楞

嚴於石橋菴題石梁瀑布有云我來送日與雲齊着境令人吟自迷巖上水同巖下水男

兒誰肯放頭低至今為學者口實有詩集如干卷弟子祕而未傳

### 月亭明得禪師

吳興人性穎悟師事萬松和尚於禪宗大有所得出入於天台

賢首之間講席繁興學者駢集台南道俗猶宗事之登華頂峯禮無見禪師塔謂弟子曰

吾昔閱無見禪師語錄每咯嗟悅服今見其塔若觀其人無見之見吾於斯證矣勗命弟

子刻其語錄台南學人大受其益

### 暎菴傳珮禪師

豫章進賢人蓋燈薙染師也少遊邑泮博綜群書壯年厭俗遊



武林從白衲禪師出家後事月亭禪師悟明  
心地仗錫天台藥林上德莫不相延請益師  
澄靜寡言儵然一室亭亭七尺如蒼松野鶴  
有古人之風至與士大夫相接則禪語清言  
皆中金石聞者作躍啟悟至多餘遊五臺時  
以永嘉集寄師篋中將終索筆題卷末云此  
傳燈置當勉旃余日望之若果能於此深造  
悟入則佛法不恨無人矣余西歸是其時也  
色斯舉矣可以人而不如鳥乎及余歸已當  
茶毘之次捧卷跣讀因而慟絕德音手澤至  
今不忘僧臘有十  
春秋纔三十四耳

### 易菴如通禪師

會稽陳留杭氏子年十五投諸  
暨三德寺大海禪師出家後詣  
徑山萬松和尚決擇心要侍講之暇卽營衆  
務不辭胼胝一日松問曰如何是白雲不繫  
青山住師應聲曰明月常懸古澗心松因以  
法付之嗣後每登講席大興梵宇若杭之慧

音靈隱樵李之東塔精嚴或植之於草莽之  
間或扶之於將圯之際皆師功也尋受國清  
寺請將鳩工繕殿忽稱不豫以萬曆乙未臘  
之三曰示寂師爲人樸素坦夷無矯行無飾  
語雖不究心文字而當機數語亦自可觀如  
頌五家宗旨有曰五宗五師吼百獸盡任走  
龍象失威儀狐兔難敵口白牛露地眠一默  
不見有斗轉與星移日月懷中走具見陸宮  
保所撰  
塔銘



易菴如通禪師  
卷之七  
三



蓮宗

夫佛之法一耳有禪教蓮律之分者入道者因緣不同而唱導者設門有異也

故得之自心謂之禪敷演誨人謂之教漚和

指歸謂之蓮至於檢束身心典刑初學律之

為法又宜先焉然則語自心則何適而非禪

語誨人則何適而非教語漚和則何適而非

蓮如遠公為蓮宗鼻祖懸悟心宗孜孜誨人

垂老不倦非蓮而禪與教乎思大口吞諸佛

法智喝示經王生階圓位沒生安養非教而

蓮與禪乎永明為禪宗大老的嗣雲居送想

西方援著宗鏡非禪而蓮與教乎老子曰小

智自私賤彼貴我宜其禪而禪教而教蓮而

蓮矣若曰達人大觀無不可又孰問禪教

與蓮哉今此分門又復重出為明此理故不

避繁

冗云

陳南嶽大師

見祖師考



北周慧命禪師

長沙人十五誦法華繞七日終

一部與法音為淨土友一夕携手月下相顧笑曰時至不行為貪生西方有期吾其去矣音曰寧不俟我十日命豎兩指曰過此不可也越二日果終眾見天人下降奇香異樂或唱善哉後十日音亦亡祥瑞悉與命同

**往生傳**

隋智者大師

將示寂令唱無量壽佛及觀經首題合掌讚曰四十八願莊嚴淨土

華池寶樹易往無人火車相現一念改悔尚得往生况戒定裏修行道力故實不唐捐又曰吾諸師友侍從觀音皆來迎我言訖跏趺唱三寶名如入三昧

**往生傳**

章安禪師

臨終示小疾而室有異香因誠弟子畢忽起合掌稱阿彌陀佛二大士名

奄然而化

**往生傳**

等觀禪師

見教宗考

唐汰智禪師

居國清寺一心念佛常感觀音勢

淨土有日矣誰能具食餞我眾為具之食訖無他異眾疑其侮宿鄰房以候之夜未央忽安坐牀上念佛而化有金光自西來江上漁人誤謂天曉

**往生傳**

善伏禪師

姓蔣一名等號義興人生即頭白日誦經典一日七行唐貞觀中至天台

超禪師出家習西方淨土觀行顯慶五年終

**舊志**

石晉智通法師

師遊天台見智者淨土儀欣然會心嘗至招手巖因陳大願念

阿彌陀佛誦四十八願已樹身巖下若有神人捧之于樹乃復整心登巖曰餘生可厭大願已發惟海眾菩薩同相接引再投而下適在蒙茸草上久之復蘇寺眾昇歸身心無損



後遊越至法華山一夕見白鶴孔雀行列西  
下蓮華開合光明現前乃起禮佛跌坐而化

**真往**  
**生傳**

### 郭周永明壽禪師

初任天台智者巖九旬習定  
有赤鷄巢於衣被後於國清

行法華懺夜見神人持戟而入師呵之曰何  
得擅入對曰久積善業方到此中夜半繞像  
見曾賢前蓮華在手遂上智者巖作二閣一  
曰常坐禪定一曰誦經萬善莊嚴淨土乃冥  
心精禱得誦經萬善乃至七度於是一意專  
修淨業於禪觀中見觀音以甘露灌其口遂  
獲辯才遷永明日課二百八事往別峯行道  
念佛傍人聞驟具天樂之聲師嘗著四料揀  
偈有云有禪有淨土猶如戴角虎今世為人  
師來生作佛祖滅後有僧暴亾至冥司見閻  
王設僧像作禮僧問何人獄吏對曰此永明  
壽禪師也已生西方上品為王敬慕如此

**僧傳及**  
**生傳**

### 宋寶雲尊者

見祖師考常呼人為鄉人有問其  
故曰吾以淨土為故鄉諸人皆當

往生皆吾鄉中人也後  
右脇念佛而化

### 汰智尊者

師述妙宗鈔釋天台觀經疏大彰觀  
心觀佛之旨曾於每歲二月望日建

念佛施戒會動逾萬人又撰融心解明一心  
三觀顯四淨土之義後於歲旦建金光明懺  
至五日召大衆說法驟稱佛  
號數百聲奄然坐逝

### 慈雲大師

後任四明寶雲結緇素專修淨業作  
誓生西方記及居天竺靈山於寺東

建日觀菴為送想西方之法依無量壽經述  
往生淨土懺儀為杭守馬亮述淨土行願法  
門往生略傳後居草堂示疾弟子問所歸  
對以寂光淨土至夜奄然坐逝

**往生傳**



有嚴法師

受業天台靈鷲專事淨業作懷安養故鄉詩四篇為時所傳居山十年夢

池中大蓮華天樂四列乃作餞歸淨土詩後七日跏趺而化塔上有光如月三夕而隱

**傳生**

錢丞相

錢象祖天台居號止菴守金陵日問道於保寧全猶以淨土真修為念嘗於鄉

州建接待十處皆以淨土極樂等名創止菴高僧寮為延僧談道之所自左相辭歸益進

淨業嘉定四年二月微疾書偈曰菴菴香從佛國來琉璃地上絕纖埃我心清淨超於彼

今日遙知一朵開後三日有問疾者公曰我不貪生不怖死不生天不為人唯求生淨土

耳言訖跏趺而逝時天鼓震響異香芬郁未終之前子姪郡人同夢空中有云錢丞相當

生西方蓮宮為慈濟菩薩

**往生傳**

左伸居士


天台人從神照授菩薩戒刻三聖像誦法華三千四百部金剛二萬過命

男沙門淨圓唱法華首題增受菩薩戒夢三

偉人立江皋召伸登舟復請僧誦彌陀經遽曰我已見佛光即端坐作印而逝

**往生傳**





國語研究會  
天台縣志卷之八

三十一



